

INUIT ATAQATIGIIT INATSISARTUNI



UPA: 64 / 120

Ulloq saqqummiivik: 27. April 2023

Illit atit: Mikivsuk Thomassen.

Utoqqalinersiaqarneq pillugu Inatsisartut inatsisaat nr. 20, 23 november 2015-imeersup allangortinneqarnissaa siunertaralugu Naalakkakkersuisut peqquneqarnissaannik Inatsisartut aalajangiiffigisassaattut siunnersuut. Allangortitsinermi utoqqalinersiaqartup aapparisaata isertai naapertorlugit utoqqalinersiaqarnissamut naatsorsuunneqartarnera atorunnaarsinneqassaaq.

(Inatsisartunut ilaasortaq Mariane Paviasen, Inuit Ataqatigiit)

Utoqqalinersiaqarneq pillugu Inatsisartut inatsisaat nr. 20, 23. november 2015-imeersoq kingusinnerusukkullu allannguutit ilanngullugit allangortinneqarnissaannik Naalakkersuisut peqquneqarnissaat pillugu Inatsisartuni aalajangiiffigisassatut siunnersuut, utoqqalinersiaqarneq aapparisaap isertitai tunngavigalugit allangortinneqartarunnaarnissaat anguniarlugu.

(Inatsisartuni ilaasortaq Jens NapātôK', Naleraq)

Utoqqalinersiaqartup aappaata isertsitaat aallaavigalugit utoqqalinersiaqartarneq pillugu sunnersuutigineqartut marluusut ataatsikkut oqaaseqarfigissavakka qujavunga sunnersuuteqartunut.

Utoqqaat ukiuni arlalinni sulinerikkut nunatsinnut annertuumik iluaqutaallutik kivitseqataanikupput, sulilu annertuumik sunniuteqaqataallutik.

Inuit Ataqatigiinniit siuliini oqaatigisarparput siunissaq eqqarsaatigalugu utoqqaat atugaat pitsanngorsaaqataaffigiarusullugit pitsaaneruumik illuinnarni atugaqartuarnissaat qulakkeerinneqartaarusulluta.

Aapparisaap isertsitaat aallaavigalugit utoqqalinersiaqartarneq ukiuni arlalinni oqallisigisarsimavagut assigiinngitsutigullu eqqartortarlutigit, tamannalu unissanngitsoq kissaatiginaqaaq suli siunissaq eqqarsaatigalugu aaqqitassaqanik malitseqarumaarnera ilimagilluinnarpara.

INUIT ATAQATIGIIT INATSIARTUNI



Aapparisap isertitaat aallavigineqartartuarsimapput ukiuni arlalinnik tamannalu allanngortsinniarlugu Inuit Ataqatigiinniit soqutigilluinnarparput allannguiniarneq utoqqaat atugaasa pitsanngorsartuarnissaat soqutigisarigatsigu.

Ataatsimiinnerit kingulliit eqqaalaassallugit eqqaarusupakka utoqqaat atugaannut pillugit annertuumik eqqartuisarsimavugut, assigiinngitsunillu aaqqiissutissarsiorneq peqataaffigisarsimasarput aammaarluta peqataaffigissagatsigu.

Aapparisap isertsitai naapertorlugit utoqqalinersiaqartsitisarneq ullutsinnut naleqqukkunnaarsimasoq oqaatigerusuppara, tassami ukiuni arlalinni sulisimagaanni pitsaasumik sullinneqarnissaq pingaaruteqarluinnarpoq, tamannalu nuannerutigalugu, Naalakkersuisut allannguutissatut siunnersuutaat taparseratsigu maluginiarlugu takusinnaavarput suliassaq una pimoorunneqarnilu Naalakkersuisuniit sularineqartoq.

Taamatullu oqaaseqarluta Ilaqutariinnermut Peqqissutsimut ataatsimiitalimut ingerlateqqipparput.